





94  
1

櫟窓多紀先生著

# 麻疹三書

纂類  
輯要方  
心得

江戶書林一及重英平吉



麻疹纂類

名義



細粟如麻者俗呼為麻即膚疹也。三微者其邪在府發為細疹狀如蚊喙所螫點點赤色俗號麩瘡。聖濟細疱遍於肌膚之上如沸瘡泡子見而漸沒名為疹子一名膚疹一名膚瘡俗名麻子或曰沙子是也。熊氏類証北人謂之糠瘡南人謂之麩瘡吳人謂之痧越人謂之瘡古所謂麻聞人氏所謂膚疹是也。繩一見紅色出而復沒沒而復見者謂之膚



疹北人謂騷疹。治痘詳說天地間疹戾不正之氣故曰疹也。然其名目有異。在蘇松曰沙子。在浙江曰醋子。在江右湖廣曰麻。在山陝曰膚瘡。曰糠瘡。曰赤瘡。在北直曰疹子。名雖不同。其證則一。景岳京師內外名曰溫疹。河南名曰料瘡。山西陝西名曰糠瘡。山左名曰疹子。江南浙江名曰痧疹。湖廣江西名曰麻疹。又名船子。福建廣東廣西雲南貴州四川俱名曰疹子。瘍醫大全厝子。蚤疹。在携李則名痧子。而痧脹亦名為痧。不可不辨。王衡

案釋名疹診也。有結氣可得診見也。其曰麻曰沙曰糠。

曰麩。並象其形而名之。品字箋。瘡疹也。蓋瘡錯也。以其錯出肌皮。从疒作瘡。騷蚤也。皮間點點。狀如蚤蚤所咬也。其他多土音習俗之訛耳。

形色

古謂麻即疹也。疹出如麻成朶。痘出如豆成粒。皆象其形而名之也。保赤麻疹浮小而有頭粒。隨出即收。不結膿疱。有如發風疹。疣瘡擁起如雲頭。色赤成斑。隨見隨沒者。有如下粟米頭粒。三番俱見而不沒。至三日後方收。漸沒者。然皆謂之麻疹。準繩通身紅赤起而成粒。勻淨而小。斜目視之。隱



隱皮膚之下。以手摸之。磊磊肌肉之間。其形若疥。其色若丹。色貴紅潤。形貴尖聳。若色雖紅潤而不起。二便艱澀者。清熱透肌湯。如色淡不起。二便如常。此屬本虛。兼當培養氣血。亦有色黯。大便秘結。唇舌燥赤者。為火邪內鬱。白虎湯加玄參。荆芥。其有色白不分肉地。惟點粒高聳。晬時即沒者。邪熱本輕也。然有表氣本虛。而色白者。調護溫暖。越一二日。自變紅活也。若正出時。為風寒所遏。而色白如膚。必毛竅竦栗。葛根解肌湯。或麻出成片。一被風寒。便變為白。身不發熱。而反內攻。煩躁腹痛。痰喘急者。危。如毒攻於

胃。則嘔吐清水。攻於脾。則腹脹不食。攻於肺。則鼻塞喘促。攻於心包。則脣舌焦燥。不省人事。搖頭掣手。攻於腎肝。則變黑而不救也。若色紫赤而黯。是火毒熾盛。頂粒起者可治。宜涼血飲子。讜語煩躁者。黃連解毒湯。調益元散。枯燥不起者。難治。若頂粒焦者。無論紅淡。皆為熱劇之候。並宜白虎湯。重用石膏。乾燥無汗。加麻黃以汗之。大便秘者。涼膈散下之。亦有麻發如雲頭大片。其形有二。一者。大片焮赤。一者。大片之上。復有小紅點粒。皆火邪熾盛所致。白虎湯加玄參。竹葉。若麻出斑爛如錦紋。或出膿血。腥臭不乾。



心胸煩悶。嘔吐清水。身溫熱者。白虎湯加黃芩茅朮。若初發時。有似斑屑者。乃風寒在表。而成癩疹。祇宜疎解。俟麻一透。其疹自退。切勿誤認為斑。而與苦寒之劑。致麻內陷。而難救也。醫通凡出疹見標之後。形似麻粒。大粒而尖。稀疎磊落。再後成片。紅色滋潤者。順。若初出一時湧出。不分顆粒。深紫色者。險。黑色者。逆。昔人云。痘喜稀疎。疹宜稠密。雖如漆瘡通紅一片。亦不足慮。以其出之於外。即可免夫內攻。傷醫大全始見點於皮膚之上。形如麻粒。色若桃花。間有類於痘大者。此麻疹初發之狀也。形尖疎稀。漸次稠密。有顆

粒而無根暈。微起泛而不生漿。此麻疹見形之後。大異於痘也。金鑑痘瘡貴三四次出。謂出勻。麻瘡貴一齊湧出。謂出盡。麻子只要得出便輕減。以火照之。遍身如塗朱之狀。此將出之兆。出形細密。與痘瘡密者相似。但疹子隨出隨沒。非若痘子之以漸長大也。出形鮮紅。與傷寒發斑相似。但疹子粒粒成瘡。非若斑之皮紅成片。如蚊迹之迹也。世醫心法其邪發於皮膚之上。出為細疹。狀如蚊蚤所咬。點點紅色。赤斑遍身。甚則疊腫。有小顆粒。隨出隨沒。沒則又出。纂要案斑者。有色點而無顆粒。見保赤等傷寒多有此証。景岳則



云痘之有疹疹之外又有麻疹所謂疹即麻疹麻疹即  
癍與萬氏諸家之言左矣是必謬說使後人不能無迷  
故舉于此

凡疹初未見標之時先必身熱頭疼咳嗽或作吐作瀉或  
鼻塞鼻流清涕噴嚏眼胞腫腮赤煩躁不寧細看兩耳根  
下頸項連耳之間以及背脊之下至腰間必有三五紅點  
此乃疹之報標若無紅點之證候當以別證論此屢試屢  
驗者也如果有紅點與前證相同宜用宣毒發表湯加芫  
荂為引以托之外出不必拘泥吐瀉疹出而吐瀉自止  
傷醫  
大全

疹期

出疹之候初熱一日至次日鷄鳴時其熱即止止存五心  
微熱漸見欬嗽鼻流清涕或腹中作痛飲食漸減到申酉  
之間其熱復來如此者四日用手滿按髮際處甚熱其面  
上熱少減二三分欬嗽連聲面燥腮赤眼中多淚噴嚏頻  
發或忽然鼻中出血至五日其熱不分晝夜六日早時其  
疹出在兩頰下細細紅點至午時兩手背並腰下及渾身  
密密俱有紅點七日並徧掀發其鼻中清涕不流噴嚏亦  
不行七日晚兩頰顏色漸淡此驗出疹之要法  
世醫  
法吾吳



水土濡弱之鄉。生氣最易萌動。故麻疹之發。自始至終。不過二三日即安。從古迄今。靡不皆然。邇來風寒變遷。有似北方氣候。即尋常麻疹。必六七日乃化。稍若熱勢未盡。或觸風寒。或犯飲食。變証百出。其危有甚於痘者。醫通

疹在痘前者。痘後必復疹。惟痘後出疹者。方為結局。景岳

案準繩云。出於痘前者。名奶疹子。出於痘後者。名正疹子。乃知痘前者。非正疹子。故復疹也。

凡正疹由於胎毒。其出也。必在出痘之後。或隔兩三年。或隔半年一年之久。甚至八九年之遠。感正疹之氣而出。次

後再不復出矣。傷醫大全

發熱

瘡疹之證。其初發熱。與傷寒相似。但疹子則面頰赤。欬嗽噴嚏。鼻流清涕。自中淚出。呵欠喜睡。或吐瀉。或手搯眉目。鼻面宜用升麻葛根湯。一不可作傷寒。妄用汗下也。世醫心法

輕者。以瀉白散。合三味消毒散。重者。以金沸草散主之。兼泄利者。合升麻葛根湯。以白芷代葛根。此余創立治法。用之無不効者。即十分危証。守而勿失。終於必濟。準麻痘之初。必由發熱。但痘熱不過二三日即出。麻熱有六七日或

自恐目誤



半月乃出。或乍涼乍熱。或壯熱經日不退。始熱之際。必見面赤。眼腫多涕淚。欬嗽連聲。是其候也。熱甚經日不退。曰壯熱。惟正出時為正候。若初發壯熱。至已出而熱不少衰者。其證必重。清熱透肌湯。出盡而壯熱不退者。竹葉石膏湯。去半夏。加荊芥黑參。沒後而壯熱不退者。危急需涼解為主。其有熱數日止而復作者。有早熱而暮退者。在初發時。為邪熱未透。葛根解肌湯。正出之際。而煩熱轉甚。乃邪熱未解。而復內攻也。清熱透肌湯。沒後見者。為餘邪未盡。四物湯。換生地赤芍。加連翹黑參。亦有麻退身涼。越六七

日而復熱者。非餘熱未清。即復感風邪。當以意消息。或因大病之後。中氣虛。而然者。治本為要。臨病之機。不可不審也。醫通瘡疹非熱不出。疹子欲出。則遍身發熱。或煩躁。或頭眩。或身拘急。及既出。則身便涼。諸病悉解。此一層疹子隨收矣。如疹子既出。熱甚不減。此毒壅遏。宜大青湯解其表。便溼者。以黃連解毒湯。合白虎湯解其裏。大便不通者。四順清涼飲。主之。繩麻疹未出時。發熱吐瀉交作。三日內出。耳後項上腰腿先出。一日出三次。二日再出六次。見點紅活顯露。形小明淨。而頂尖不長。隨出沒。三四日方收者。順



症也不治自愈。麻未出時發熱，乾霍亂，身體極熱，欲出不出，隱伏皮肉，發出不快者，險。宜升麻葛根湯加麻黃，即出。麻未出時發熱喘促者，險。宜三拗湯加煨過石膏茶葉，名五虎湯主之。麻未出時發熱面先青黑，乃毒氣攻心者，逆。宜內托散消毒湯以解之。不然則必死。身體極熱，隱伏不出，或帶紫色不明，或不突起，與肉一平，或一二日就沒，喘救痢下者，逆。速宜解表。急即用麻黃湯以發之。胡妥酒以擦之。緩則用升麻葛根湯加石膏黃芩以解之。麻疹正出時，身猶大熱，宜升麻葛根湯加黃芩地骨皮治之。若以手

摸之，疹色白，起手即紅者，血虛，宜養榮湯。纂要



引用書目

葉氏錄驗方 宋葉大慶

保嬰撮要 明薛己

痘疹世醫心法 明萬全

痘疹全書 明黃廉○一名秘傳痘疹

保赤全書 明管楫

證治準繩 明王宇泰

醫宗粹元 明羅彥周

活幼心法 明聶尚恒

萬病回春 明龔廷賢

壽世保元 同前

麻疹心法 明翁仲仁

廣筆記 明繆仲淳

本草經疏

炮灸大法 並同前

景岳全書 明張介賓

丹臺玉案 明孫文胤



痧科纂要 明馬之騏

本草彙言 明倪朱謨

張氏醫通 清張璐

錦囊秘錄 清馮兆張

麻疹治法綱 清朱之黯

幼科誠書 清談金章

秘方集驗 清王夢蘭

危證簡便方 清胡其重

丹方彙編 清錢峻

醫宗金鑑 清乾隆御纂

瘍醫大全 清顧世澄

痧疹輯要方

櫟蔭拙者 撰

真武湯 葉氏 專一發散四時不正之氣及傷寒未分證候。痧疹

欲出未出。並宜服之。

桔梗 荆芥 薄荷 紫蘇 乾葛 甘草 瓜蒞根

牛蒡子 各等分

右照常水煎。

葛根消毒湯 先考藍溪公所定 治初發熱。欬嗽噴嚏。鼻流清涕。眼胞腫。

眼淚汪汪。面腫腮赤。欲出未出者。



葛根 升麻 芍藥 防風 荆芥 牛蒡子 桔梗  
薄荷 甘草

照常水煎。加西河柳葉尤佳。○此方加連翹枳殼木通竹葉即活幼

宣毒發表湯去桔梗升麻薄荷加蟬蛻木通即醫通葛根解肌湯。

透邪煎 景岳 凡麻疹初熱未出之時惟恐誤藥故云未出之先

不宜用藥然解利得宜則毒必易散而勢自輕此方為主。

當歸 錢二三 芍藥 錢一二 防風 分七八 荆芥 錢一

甘草 分七 升麻 分三

熱甚脉洪滑者加柴胡一錢○案此方用虛人及孕婦麻疹太效或加葛根牛蒡子亦可。

清揚飲子 廣筆記○案繆氏諸方舊無方名盡係于翁氏所定下放此 麻疹之主方。

麥門冬 錢三 西河柳 錢五 玄參 錢二 鼠粘子

葛根 各一錢 五分 知母 蟬蛻 甘草 荆芥 薄荷 各一錢

竹葉 三十片

甚者加石膏錢五冬米一撮又甚者加黃芩黃栢黃連。

檉葉葛根湯 廣筆記

乾葛 前胡 荆芥 貝母 西河柳 玄參 知母



麥門冬 甘草

右水煎服。如冬天寒甚。痧毒鬱于內。不得透出。喘渴悶亂。煩躁不定者。加麻黃。

瀉白消毒散 準繩 治疹子發熱之初。其證輕者。

桑白皮 地骨皮 各三錢 牛蒡子 研炒 荊芥 各一錢半

桔梗 甘草 各一錢 浮萍 二錢

右照常水煎。

加味金沸草散 準繩 治疹子發熱之初。其證重者。

旋覆花 麻黃 前胡 各七錢 荊芥 一兩 甘草 半夏

芍藥 各五錢 鼠粘子 浮萍 各七錢

生薑二片。薄荷葉三五片。水煎。

麻黃杏仁甘草石膏湯 醫通 將發之際。風寒暴襲。氣粗喘促。腹

脹。煩擾不寧。而不能出。急與此湯。即傷寒論原方。

麻黃湯 準繩 治發熱六七日以後。明是疹子。却不見出。此皮膚

堅厚。腠理閉密。又或風寒襲之。急用此湯。調檉葉散發之。

麻黃 升麻 牛蒡子 蟬殼 甘草 各一錢

右剉細。加臘茶葉一錢。水煎服。煩渴。加石膏末四錢。案痘疹

方。有人中黃。不用茶葉。



檉葉散 準繩

檉亦名西河柳亦名垂絲柳青茂時採葉晒乾為末每服一

二錢茅根煎湯調下 案已用麻黃湯調下又不須茅根煎湯

獨聖散 廣筆 治痧疹發不出喘嗽煩悶躁亂神祕之方

西河柳葉 風乾為末四錢

頓服立定 翁氏云水調頓服 砂糖調服兼可治疹後痢馬銘鞠救吳

少海及其姪湯水不入矣逐口強灌之而生張守為長郎初婚亦危矣治之亦愈

附赤檉木近世又以治痧疹熱毒不能出用為發散之神藥蓋

熱毒熾於肺胃則發斑疹於肌肉間以肺主皮毛胃主肌肉也此藥正入肺胃心三經三經毒解則邪透肌膚而內熱自消此開發升散甘鹹微溫之功用也同石膏知母薄荷荆芥玄參牛蒡子麥門冬竹葉連翹黃芩甘草之屬治痧疹發不出或雖發不透治熱甚毒熾舌生芒刺大渴謔語斑色紫黑者加入三黃石膏湯內單用及兼各藥並主痧疹首尾諸症

本草經疏

赤檉柳治痧疹聖藥也得之毒自出可不死 炮炙大法

檉柳味苦微鹹氣溫無毒涼血分發痧疹解痧毒之藥也古



云痧疹即今之瘡疹也。此藥輕清升散，開發瘡毒，如瘡毒內閉不出，或出之甚多，難于解退，或解退後熱發不止，或喘嗽不消，肌肉羸瘦，致成瘡疔瘡癩者，多有之。以此煎湯代茶日飲，瘡疹諸疾漸自消滅矣。本草

本草

治痧疹不出神方。危症用花園內觀音柳採來煎湯服，即發出。

發散瘡子。秘方發時多挾水瀉，但宜清解，不可止瀉。用西河

柳五六錢煎湯服，或櫻桃核敲碎煎湯服，皆效。

悶痧。丹方西河柳葉風乾為細末，水調服四錢，立效。或鮮者

五六錢煎湯服，亦效。分開頂門，有紅筋紅瘰，挑破即出。案錦

麻疹有正氣不足，不能逐邪外出，則毒伏於內，喘脹而死者，是俗名悶痧也。則與玉衡所載痧脹之悶痧迥別。

觀音柳一名西河柳，乃小兒痧疹之聖藥也。冬月用枝梗春

夏用苗葉，每用一錢煎湯服。年力大者多服一次，無妨。能清

脾解毒發表。若在窮鄉僻壤，醫藥不便，煎服疹即出現。傷醫

案：檉柳本草綱目唯云治腹中痞積，一切諸風，解酒毒，利小便，而不言解痧毒。嘗閱醫方類聚中風門引煙霞聖效方載

檉花散，治遍身風瘙，瘡重則昏迷不省。檉花無花用葉，無葉用枝，然不及用花。蛤粉當歸甘草各等分，右為末，研勻，每

服四錢，溫水調下，畧睡良久再服，蓋此與發痧毒之意同焉。

○又案：肇慶府志檉赤柳生水旁，皮色如絳，細葉如絲，俗呼御柳。今斯邦家園所栽御柳，乃係于享保年間所舶來，其為檉柳無疑矣。而繆氏經疏據爾雅翼則云：凌冬不凋，今御柳



至秋末葉落則似御柳非種然時珍所說檉柳形狀與御柳合而煙霞聖效云無葉用枝顧氏云冬月用枝梗則明是非凌冬不凋者而疹家所用為今之御柳矣蓋木之名檉者有數種所謂凌冬不凋者別是一種繆氏牽混為說乃令後人致疑故特辨之

痘後見疹主方廣筆記

沙參錢一 桔梗錢一 甘草分五 貝母錢一 西河柳錢二

右照常水煎

竹葉石膏湯廣筆記 疹發時多喘邪熱壅于肺故也慎勿用定喘藥

藥

石膏二錢至 知母一錢至 竹葉三十片至百片 麥門冬三錢

錢至五 粳米 加玄參二錢 薄荷錢二 西河柳兩許

右照常水煎

蠱虎湯廣筆記 治痧不發極重者

西河柳兩許 知母錢五 貝母錢三 玄參錢三 竹葉七十片

麥門冬兩許 石膏一兩五錢

右照常水煎

三黃石膏加檉葉湯廣筆記 進前劑痧雖出盡煩躁不止勢尚不可保

可保

石膏兩三 知母兩一 麥門冬兩三 竹葉二百片 黃蘗



黃芩 黃連 各五錢 西河柳 一兩

濃煎飲之煩躁定而瘡

治瘡疹熱極內悶不出 本草彙言

真烏犀角 磨汁半盞 西河柳 五錢 牛蒡子 二錢 桔梗

玄參 升麻 甘草 各一錢

右水煎和汁服

單治瘡疹不起透 本草彙言

用牛蒡子研細五錢檉柳煎湯調下立透

越脾湯 醫通 治麻出而皮膚乾燥毛竅竦慄不能透 即金匱原方

消毒飲 粹元 治麻毒內攻 案此方豈能治內攻但用麻黃等劑而無效者以此發之頗驗

黃芩 防風 連翹 牛蒡子 木通 桔梗 玄參

紅花子 甘草 桑白皮

右水煎服

二仙散 粹元 治麻初出不快 案體虛不堪服麻黃等者以此發之太效

紅花子 牛蒡子 川山甲

右各等分水煎服

濟生散 粹元 治麻欲出不出而生雜症入口立效

紫草 一錢 梅蕊 一錢 蟬退 三錢 鳳尾草 一錢 ○案即貫衆



牛黃一分 鬱金一分

右為末每服一錢煎麥門冬湯下。

清熱透肌湯醫通 治初發壯熱至已出而熱不少衰或煩熱轉甚或熱甚欬嗽。

玄參 石膏 牛蒡子 荆芥 防風 前胡 葛根

杏仁 甘草

右水煎服。

解毒快斑湯瘍醫 痧疹已見形一二日內宜服。

連翹 荆芥各七分 牛蒡子 當歸 防風各六分

蟬蛻五箇 生地 山查各二錢 黃芩 桔梗 乾葛

紫草各八分 川芎五分

觀音柳二三分為引不可多用。

化毒清表湯活幼 麻已出而紅腫太甚宜用此湯。

牛蒡 連翹 天花粉 地骨皮 黃連 黃芩

山梔 知母 乾葛 玄參各八分 桔梗 前胡

木通各六分 甘草 薄荷 防風各三分

口渴加麥門冬一錢 石膏三錢 大便秘加酒炒大黃一錢二分

顧氏曰壬午年溫疹大行老少男婦傳染死者盈萬予惟



以宣毒發表湯。化毒清表湯。去黃連。加觀音柳。治之。竟無死者。○朱純嘏。加燈心五十寸。犀角三分。

孟氏介石募施治痧神方。瘍醫凡遇痧疹。不拘四時。皆可煎服。藥味分兩。萬勿增損。

石膏煨二兩 當歸 乾葛 桑白各一兩 荊芥 桔梗

地骨皮各八錢 牛蒡子 赤芍 陳皮 薄荷各五分

枳殼六錢 貝母 甘草各四錢 紅花二三錢

共為細末。每次用末三百錢。白水三鍾。煎湯。濾去渣。服。輕者三五服。重者六七服。立愈。照方施濟。功德無窮。大能起發透。

表解毒清熱。不傷元氣。是以功有神效。○朱純嘏云。予見去桑皮不用。可加前胡一兩。防風八錢。酒炒黃芩八錢。連翹五

錢。予施此方。專用朱氏加減之方。

加味地骨皮散。準繩治疹出發熱不退。飲食不進。

地骨皮三錢 桑白皮二錢 麥門冬二錢 柴胡 芍藥

乾葛各一錢 甘草 生犀角屑各五分

水煎。調大無比散五七分。亦治喘急不止。

大無比散。準繩治熱毒太甚。驚狂譫語。引飲。

滑石六兩 辰砂三錢 雄黃一錢  
研無聲。水飛如飛。麩。



粉草 一兩

右為末。每三五歲者服一錢。十歲以外服二錢。

涼血飲子 醫通 治麻疹火毒熾盛紫赤而黯。

生地 錢半 黃連 分五 黃芩 荆芥 黑參 各一錢 紅花 分三

芍藥 丹皮 各八分 木通 七分

水煎服。

化斑湯 痘疹全書 治疹子之出色如錦紋者。

人參 知母 石膏 牛蒡子 連翹 升麻 甘草

淡竹葉 糯米 地骨皮

水煎服。以米熟為度。

大青湯 保赤 麻出色太紅。微紫者。血熱也。宜此湯。

大青 玄參 生地 石膏 知母 木通 甘草

地骨皮 荆芥 各等分 竹葉 十二片

右水煎。案萬氏不用竹葉。有人中黃。方後云。便秘者。加酒蒸大黃。

養血化斑湯 世醫 麻出色淡白者。血不足也。宜此湯。

當歸 生地 紅花 蟬蛻 人參 各等分

生薑一片。水煎。

養榮湯 保赤 治麻疹色白。



人參 當歸酒洗 紅花酒洗 赤芍桂水炒 甘草

右水煎

養榮湯纂要 以手摸之疹色白起手即紅者血虛也宜此方

當歸 川芎 芍藥 地黃等分 人參 白朮 黃芪

甘草減半

右水煎

加味道遙散世醫 有一種病後瘦弱脣白氣虛感時氣出痧疹

或體虛痧出白色少紅活者

白朮 薄荷 陳皮 茯苓 芍藥 麥門 柴胡

當歸 甘草 丹皮 乾葛

右水煎服

和中湯瘍醫 有一種痧大吐大瀉而後見者甚輕與作惡心乾

嘔者不同用藥微表和中安胃為主

白朮 乾葛各八分 當歸 茯苓 桔梗各七分 芍藥

甘草 半夏 柴胡 防風各六分 陳皮 丹皮各五分

生薑一片紅棗二枚為引

全真一氣湯錦囊 治麻疹陽外越而陰內竭中氣弱而肺氣傷

其候身面俱見面赤壯熱喘嗽煩躁不食洩瀉其脉細數無



力。

熟地錢八 麥門冬三錢 脾虛者減之 白朮三錢 牛膝由二錢至三錢

五味子由八錢至一錢五分 附子由一錢至二錢

水煎冲參湯服。○人參由二三錢加至四五錢 虛極者一兩 隨宜任用 另煎冲入前藥

黃連解毒湯世醫 治疹子出未盡 拂拂發熱 煩悶不寧

黃連 黃芩 黃蘗 梔子

右水煎。○纂要云。麻疹沒後生瘡及眼目疾宜以此加減治

之。

白虎合解毒湯準繩 治疹子出渴甚。

石膏錢四 知母 天花粉 黃芩 黃連 山梔各一錢

生地 麥門冬各二錢 竹葉十片

水煎更磨犀角汁。索湯水則與之。覺胃熱渴甚宜以此方多與之。胃清乃止。庶免牙疳之害。

人參白虎湯纂要 治麻疹化斑發疹止渴如神。

知母 石膏各一錢 桔梗 人參各五分 虛者加之 甘草二分

竹葉七片。水煎。○黃氏無桔梗。甘草有天花粉。葛粉。粳米。麥

門冬。

白虎湯醫通 治邪熱內陷。挾痰熱煩躁。腹脹喘急。或不省人事。



者。

石膏 知母 甘草 粳米 玄參 竹葉

右水煎。

門冬甘露飲 醫通 治麻疹熱甚而渴。

麥門冬 錢二 玄參 黃芩 括蕪根 連翹 各一錢

甘草 分二 燈心 廿 竹葉 廿

右水煎。

涼膈散 醫通 治遍身青紫熱腫喘脹氣急。

大黃 兩二 芒消 兩一 甘草 錢六 連翹 兩一 黃芩 兩一

山梔 錢八 薄荷 錢七

竹葉十五片。水煎。右去芒消。加麻黃石膏。○金鑑本方合消毒飲。引用燈心。名涼膈消毒散。治疹已發於外。而咽喉作痛。

四順清涼飲 醫通 治火壅血燥。而耗津液。大便秘結。

當歸 赤芍 甘草 大黃 各一錢五分

水煎。入生白蜜一匕。熱服。○又當歸散。治口舌生瘡。牙根毒發。大便秘結。於本方。加川芎。為散。生薑一片。水煎。

四物湯 粹元 治麻疹首尾可用。

本方。加連翹。黃芩。防風。



案疹後無他症者用之調理

犀角地黄湯 醫通 治火邪熾盛衄不止或失血者

犀角 兩一 生地 兩八 芍藥 兩三 丹皮 兩一

右水煎加荆芥穗

犀角解毒湯 回春 治麻疹已出大便下血或小便下血吐血衄血

即犀角地黄湯合黃連解毒湯

清寧湯 玉案 治痧麻汗出太多鼻血不止

當歸 連翹 石膏 黃連 各一錢 生地 麥門冬

玄參 各七分 甘草 一分

浮小麥一錢煎服

三拗湯 醫通 治初發之時喘者

麻黃 節不去 甘草 生 杏仁 連皮

右等分加石膏芽茶

六氣煎 景岳 治麻疹以大瀉或大汗而致喘者必皆氣脫之候

黃芪 肉桂 人參 白朮 當歸 甘草

水煎服

除熱清肺湯 醫通 治麻疹盡透而壯熱欬嗽大便祕結

石膏 錢三 玄參 生地 芍藥 貝母 括蕒根 各一錢



麥門冬半錢 甘草五分

水煎服

清氣化毒湯 金鑑 治疹已出胸滿喘急此毒氣內攻肺金受尅

若遲延失治以致肺葉焦舉

前胡 桔梗 桔萸仁 連翹 桑皮 杏仁 黃芩

黃連 玄參 甘草 麥冬

引用蘆根水煎

清金寧嗽湯 金鑑 治已出效嗽乃肺為火灼

陳皮 前胡 甘草 杏仁 桑皮 黃連 桔萸仁

桔梗 貝母 玄參 野蘭 甘草 蘇蘇 麥門冬

引用生薑紅棗水煎

犀角解毒化痰清火丸 瘍醫 痧證效嗽氣喘脣紅結熱在內煩

躁不安或口鼻出血者

犀角 紫草 連翹 花粉 丹皮 薄荷 甘草

貝母各一兩 黃連 牛蒡子各三錢 生地二兩 當歸八錢

芍藥六分

共為細末煉蜜丸彈子大每服一九竹葉湯服今去歸芍加青黛一兩其

效覺捷



射干消毒飲醫通治麻疹效嗽聲瘖咽喉腫痛。

射干 玄參 連翹 荆芥 鼠粘子等分 甘草減半

水煎服。

玄桔湯 玉案治痧證咽喉腫脹。

玄參 桔梗 牛蒡子 連翹 天花粉 甘草各一錢

淡竹葉卅片煎服。○醫通無花粉。連翹有山荳根。荆芥。麥門

冬。名甘桔湯。治咽痛口瘡。

加味涼膈散 金鑑治疹已發而失音者。

薄荷 危子 玄參 連翹 甘草 桔梗 麥門冬

牛蒡子 黃芩

水煎服。

兒茶散 纂要治麻疹聲啞無音。

孩兒茶五錢 硼砂二錢

右為細末。每服一匙。用凉水一升調下。

二仙湯 壽世治麻疹已出而復沒。或出不盡。心慌哭啼不止。十

分危急。死在須臾。或下利腹痛。

黃芩 芍藥各等分

水煎。溫服。如神。



加味黃芩湯準繩治疹子滯下。

黃芩

黃連各一錢半

芍藥三錢

甘草七分

滑石末三分

水煎服。若滑石不煎調服止於一錢。血痢加地榆。○保赤加味黃芩湯。即仲景原方。加升麻。凡四味。

清熱導滯湯活幼治毒氣流注而成痢。

黃連

黃芩

芍藥

枳殼

查肉各一錢

厚朴

青皮

檳榔各六分

當歸

甘草

牛蒡子

連翹各五分

紅多者。加紅花一分。地榆五分。祕瀉甚。加酒炒大黃一錢二分。

黃芩湯

痘疹全書

治火邪內迫。裏急後重。而為滯下。

黃芩

黃連

赤芍

生地

木通

枳殼

甘草

當歸

人參

水煎。去渣。調天水散服。初加酒大黃。微利之。○又治疹後休息痢。於本方。去赤芍。生地。木通。加川芎。青皮。木香。檳榔。名黃

芩湯。

猪苓湯

世醫

治麻疹自利。

猪苓

澤瀉

滑石

茯苓

甘草

黃連

升麻

右各等分。水煎。○保赤。名升麻澤瀉湯。



加味四苓散 活幼 麻出之時多有自利不止者其毒亦因利而散此殊無妨如泄利過甚則與之

朱苓 木通 各八分 澤瀉 茯苓 各七分 車前子

黃連 黃芩 牛芴 各五分

燈心一團同煎食前服

溫胃飲 景岳 治麻疹脾氣本弱而過用寒藥或以誤食生冷致

傷脾胃而為泄瀉者必無熱證熱脈色白氣餒

人參 一二三錢或一兩 白朮 一二錢或一兩 扁豆 二錢 陳皮 一錢或不用

乾薑 炒一二錢 甘草 一錢 當歸 一二錢滑泄者勿用

水煎服大嘔大吐不止者加胡椒一二分許煎熟徐徐服之

五君子煎 景岳 治證同上

人參 二錢 白朮 茯苓 各二錢 炙甘 一錢 乾薑 炒一錢

水煎服

竹茹石膏湯 痘疹全書 治麻症作吐

陳皮 半夏 石膏 茯苓 竹茹 甘草

水煎○金鑑引生姜云麻疹嘔吐者由於火邪內迫胃氣冲逆也以和中清熱其吐自止

柴胡橘皮湯 世醫 治邪毒壅遏嘔洩者



柴胡 橘皮 黃芩 半夏 人參 茯苓各等分

竹葉一團 生姜三片 水煎

加味平胃散 金鑑 治麻疹腹痛 由食滯凝結 毒氣不得宣發於

外 不時曲腹啼叫 兩眉頻蹙

本方 加防風 升麻 枳殼 葛根 山查 麥芽

生姜 燈心 水煎

柴連散 世醫 治乾嘔

黃連五錢 吳茱萸二錢 青竹茹一團

右三味 同炒 研細末 每服半錢 生姜湯調服

清中安虬湯 櫟憲自驗 治胃熱吐虬

黃連三錢 姜炒 黃栢半錢 枳殼二錢 烏梅三箇 川椒三十粒

右生姜水煎 原出汪苓友傷寒辨註

葛根黃連黃芩湯 保嬰撮要 治疹後身熱不退 即傷寒論原方

當歸養血湯 世醫 疹子既沒 渾身壯熱 未至羸瘦 但多搐掣 煩

躁不寧 此熱在心肝二經

當歸 川芎 生地 麥門冬 木通 甘草 竹葉

燈心 梔子

水煎 便秘 加大黃



黃連安神丸 世醫 治証同前。間而服之。

黃連 錢二 當歸 錢二 龍膽 錢二 石菖蒲 錢一 全蝎 錢七

茯神 錢一

共為細末。湯浸蒸餅杵猪心血丸。硃砂為衣。燈心湯下。

柴胡門冬散 世醫 治疹子收後熱太甚。或日久不減。

柴胡 分五 龍膽 分三 麥門冬 分八 甘草 分二 人參

玄參 錢各半

右水煎。

柴胡四物湯 世醫 治前證髮枯毛豎。肉消骨立。漸漸羸瘦者。

柴胡 人參 黃芩 當歸 川芎 生地 芍藥

地骨皮 知母 麥門冬 淡竹葉

水煎。○金鑑於本方。去人參。芎歸。竹葉。加甘草。生姜。燈心。名

柴胡清熱飲。治疹後身熱。

清熱除疳丸 痘疹全書 治疹子既沒。其毒不解。渾身發熱。漸成疳瘵。

黃連 當歸 錢各二 龍膽 青皮 蘆會 錢各一

川芎 乾蟾頭 錢各一 使君子 錢二分

共為細末。神麩糊為丸。米湯下。

秦艽飲 誠書 治疹後蒸熱。肌肉消瘦。



秦艽 前胡 知母 當歸 橘紅 鱉甲 青蒿

麥門冬 金銀花 地骨皮

右水煎

六味地黃丸加知母黃柏誠書治久熱成癆

人參養胃湯誠書治疹後久熱作渴勞瘵

蒼朮 厚朴 陳皮 甘草 黃連 芍藥 人參

茯苓 麥冬

右加棗冬米水煎服

麥門冬清肺飲痘疹心法治麻後欬嗽或出血或瘡湯水

知母 貝母 天門冬 桔梗 甘草 杏仁 石膏

牛旁子 馬兜鈴 麥門冬

右用糯米水煎

清咽滋肺湯醫通治麻後餘熱欬嗽聲瘖

玄參 鼠粘子 荆芥 葳蕤 貝母 枯蕒根

馬兜鈴 桔梗 麥門冬等分 甘草減半

水煎服。○廣筆記無馬兜鈴有薄荷

清金降火湯纂要治麻疹後熱火乘金欬嗽啞不出

當歸 芍藥 生芩 陳皮 貝母 甘草 山柃



枯苓 玄參 麥冬 石膏 桑皮 杏仁 蘇子

黃連 各等分

生姜水煎。○保赤。有天門冬。茯苓。瓜蒌仁。

瀉白消毒飲 治法 治疹退之後。微微效嗽者。此餘毒未盡也。

桑白皮 地骨皮 甘草 牛旁子 荆芥

粳米百粒。水煎。或加黃連。

疹後效嗽。腹脹喘急。煩躁泄瀉。聲啞唇口青黑。 壽世

黃連 黃芩 連翹 玄參 知母 桔梗 杏仁

芍藥 麻黃 乾葛 陳皮 牛旁子 厚朴 甘草

右水煎。

潤肺養榮湯 誠書 治疹後咳血。

前胡 桑白皮 蘇子 橘紅 青蒿 玄參 連翹

貝母 山梔 炒黑 荆芥 炒黑各等分

右加茅根汁。燈心。藕節。水煎服。

順氣寧嗽湯 誠書 治久嗽咯血。

天花粉 膽南星 前胡 橘紅 側柏葉 炒黑

白芥子 瓜蒌霜 荷柎 阿膠 黃芩 炒黑 丹皮 各等分

右加燈心。木耳。水煎服。得童便尤妙。



引血歸經飲 廣筆記 治同前。

前胡 款冬花 黑山梔 丹皮 貝母 地骨皮

炙桑皮 橘皮 茯苓 麥門冬 風化硝

右加淡竹葉燈心水煎服。

痧後元氣不復脾胃弱宜用此方。 廣筆記

芍藥 君 甘草 君 蓮肉 臣 山藥 臣 青黛 臣

扁豆 臣 麥門 臣 龍眼肉 臣

臣以佐君多服必漸強慎勿輕用參朮。

石斛清胃散 醫通 治麻後嘔吐胃虛不食熱滯。

石斛 茯苓 橘皮 枳殼 扁豆 藿香 丹皮

赤芍 等分 甘草 減半

生姜一片水煎。

雙和湯 醫通 治麻後羸瘦。

熟地 白芍 各一錢 黃芪 當歸 七分 川芎 甘草 各四分

肉桂 三分有熱去之 生姜 一片 紅棗 一枚

水煎。

必勝散 玉案 治痧後痢疾。

陳皮 厚朴 蒼朮 茯苓 牛旁子 澤瀉 木通 各八



生薑一片食前煎服

疹後泄瀉及便膿血皆由熱邪內陷故也大忌止瀉宜用廣筆記

升麻 葛根 甘草 黃連 芍藥 扁豆 滑石

多服必自愈不便膿血者去滑石

木通散粹元治麻證作浮腫

木通五分 通草五分 地龍晒乾去土燒為末五分

右為末每服一錢米飲調服

犀角湯擦窓自驗治麻後水腫

犀角 玄參 連翹 柴胡 升麻 木通 射干

甘草 芒硝 麥冬 沈香

右水煎是原河間治結陽四肢腫滿方予用以療痧後水氣甚效

治痧後瘡清涼健脾廣筆記

鱉甲二錢 山查肉三錢 麥門冬五錢 茯苓二錢 甘草七分

橘紅二錢五分 竹葉五十片 知母一錢二分 乾葛一錢五分

貝母二錢 柴胡一錢

渴甚者加石膏五錢不渴并知母去之

十仙湯回春治痧後餘毒



柴胡 葛根 玄參 黃連 黃芩 梔子 陳皮  
茯苓 枳殼 生地

生姜水煎

黃連解毒湯 纂要 麻疹沒後生瘡及眼目疾宜以此加減治之

大連翹飲 纂要 治麻風瘡

連翹 瞿麥 荆芥 木通 車前 赤芍 當歸

防風 柴胡 滑石 蟬殼 甘草 山梔 黃芩

牛旁 各等分

右水煎

連翹生地散 廣筆記 痧後生瘡不已餘熱未盡故也宜此湯

金銀花 連翹 甘草 玄參 黃連 生地

荆芥穗 蠶蟲胡麻 即亞麻 木通

右水煎

羌活散 保赤 治麻後癰毒肢節疼痛

羌活 川山甲 各一兩 大黃 五錢 全蝎 五個 白芷 五錢

一葉金 五條去頭足 甘草 一錢 乳香 二錢

右為細末每服一錢或錢半加牙皂一錢好酒送下以發汗

為度



加味清胃散 醫通 治麻疹餘毒上衝牙疳腐爛

生地 錢四 升麻 錢半 丹皮 錢五 當歸 川連 各三錢

右水煎更加荆芥石膏

生犀地黃湯 廣筆記 疹後牙疳最危須內外兼治良內服此湯

連翹 乾葛 升麻 玄參 甘草 黃連 荆芥

生地

水煎即以藥汁磨生犀角二三十匙同服緩則不可救

黃龍散 廣筆記 外治

牡黃牛糞 煨存性研極細 梅花片腦 一分

右研勻吹 醫通名無比散

龍朋散 廣筆記 治痧後口瘡

牡黃牛糞 一個煨製如前 明礬 五分 冰片 一分五厘 白礬砂 三錢

皮硝 一錢

右為細末鷲翎管吹患處

人中白散 治法 治疹後牙齦黑爛肉腐血出臭惡衝人名走馬

疳

人中白 煨一錢 黃栢 炒三錢

右為末擦口內



清胃散毒湯瘍醫治痧後口瘡牙疳等患

牡丹皮 桑皮 金銀花 甘草 生地 黃栢

連翹 沙參 茯苓 姜蚕

如體虛加白朮

金花消毒飲誠書治疹後諸熱口糜

黃連 黃芩 黃栢 大黃各等分

右加燈心水煎服為丸亦可

除疳散誠書吹疹後牙疳

人中白火煨三錢 文蛤火煨三錢 銅青二錢 砒末少許

繭脫紙燒灰一錢

右為末米泔水拭淨吹上

牙疳最效方誠書是方諸疳俱宜在疹後尤佳

象牙末 象皮末 馬蹄燒灰 血竭 兒茶 麝香

冰片 青黛 大紅羊絨煨 枯礬 人中白

真珠煨 胡黃連各等分

右為極細末吹爛處

復元散粹元治麻後鼻乾黑如烟煤

貝母 桔梗 百合 枇杷葉各一錢 粟殼燒一錢

少... 七... 堂... 或... 反



阿膠錢炒一

右為末。每服一錢。桑白皮煎湯服。

羚羊角散保嬰撮要治疹後餘毒不解。上攻眼目。生翳羞明。眵淚俱

多。紅赤腫閉。

羚羊角鎊 黃芩 黃芪 草決明 車前子 升麻

防風 大黃 芒硝各等分

柴胡飲子醫通治疹沒後。為風熱所侵。而眼眶赤爛者。急須治之。否則為終身痼疾。

柴胡 羌活 防風 芍藥 桔梗 荆芥 生苴各一錢

甘草五分

水煎熱服。

神應膏世醫護目方

黃栢一兩 甘草四兩 紅花二兩 真葶豆粉一兩半

右為細末。用臘脂水和。蜜水調塗。兩眼四畔之疹上。

四物湯加白朮黃芩艾葉保赤治孕婦麻疹。如胎氣上冲。急用

苧麻根艾葉煎湯。磨生檳榔。并服之。更多服。上藥為妙。

白虎湯合升麻葛根湯纂要治孕婦麻疹。疹出不快。

右方中。倍加玄參。牛蒡子。



固胎飲纂要治孕婦麻疹熱甚胎氣不安若服之腹痛腰酸胎在必墮即以產法論先用大補次用他症藥胎雖動而婦可生。

生地 川芎各五分 桑上羊兒藤七葉圓者一錢 當歸

人參 白芍 陳皮各一錢 白朮 黃芩各五分

甘草三分 黃連 黃栢各二分 糯米二十粒

右水煎案此方原出于丹溪桑上羊兒藤正傳用真桑寄生今頗難採用宜以赤桑雞代之

痧疹輯要方終



